

গণপ্রজাতন্ত্রী বাংলাদেশ সরকার
আইন, বিচার ও সংসদ বিষয়ক মন্ত্রণালয়
লেজিসলেটিভ ও সংসদ বিষয়ক বিভাগ
বাংলাদেশ সচিবালয়, ঢাকা।
প্রশাসন শাখা-২
www.legislativediv.gov.bd

নং-৫৫.০০.০০০০.১০৬.৯৯.০০১.২০২০ (অংশ-১)-৫০

তারিখ: ১৮/০২/২০২১ খ্রি.

বিষয়: মহান স্বাধীনতার সুবর্ণজয়ন্তী বর্ণাঢ্য ও যথাযোগ্য মর্যাদার সাথে উদযাপনের নিমিত্ত এ বিভাগ কর্তৃক বছরব্যাপী কর্মসূচি গ্রহণ সংক্রান্ত সভার কার্যবিবরণী।

সভাপতি : জনাব মোঃ মইনুল কবির, সচিব, লেজিসলেটিভ ও সংসদ বিষয়ক বিভাগ।
সভার স্থান : ভারুয়াল মাধ্যম (জুম)
তারিখ : ১৮/০২/২০২১ খ্রি., বৃহস্পতিবার
সময় : সকাল ১০.৩০ ঘটিকা
আলোচ্যসূচি : মহান স্বাধীনতার সুবর্ণজয়ন্তী বর্ণাঢ্য ও যথাযোগ্য মর্যাদার সাথে উদযাপনের নিমিত্ত এ বিভাগ কর্তৃক বছরব্যাপী কর্মসূচি গ্রহণ সংক্রান্ত।

সভাপতি মহোদয় উপস্থিত সকল কর্মকর্তাকে স্বাগত জানিয়ে সভার কার্যক্রম শুরু করেন। সভার শুরুতে জাতির পিতার জন্ম শতবার্ষিকী এবং স্বাধীনতার সুবর্ণ জয়ন্তীর এ শুভক্ষণে তিনি গভীর শ্রদ্ধার সাথে স্মরণ করেন হাজার বছরের শ্রেষ্ঠ বাঙালি, বাংলাদেশের মহান স্থপতি, সোনার বাংলার স্বপ্নদ্রষ্টা, জাতির পিতা বঙ্গবন্ধু শেখ মুজিবুর রহমানকে। তিনি শ্রদ্ধার সাথে স্মরণ করেন ১৯৭৫ সালের ১৫ই আগস্ট কাল-রাতে দেশী-বিদেশী ষড়যন্ত্রের ফলে কতিপয় বিপথগামী উচ্ছৃংখল সেনা সদস্যদের হাতে নিহত বঙ্গবন্ধুর পরিবারের সদস্যদেরকে। তিনি গভীর শ্রদ্ধার সাথে আরো স্মরণ করেন মহান মুক্তিযুদ্ধে জীবন উৎসর্গকারী শহীদদেরকে, বীর মুক্তিযোদ্ধাদেরকে এবং সশ্রম হারানো ২ (দুই) লক্ষ মা বোনকে। গভীর শ্রদ্ধার সাথে তিনি স্মরণ করেন ১৯৭৫ সালের ৩রা নভেম্বর ঢাকা কেন্দ্রীয় কারাগারে নৃশংস হত্যাকাণ্ডে নিহত জাতীয় চার নেতাকে। করোনা মহামারীকালেও স্বাস্থ্য-বিধি মেনে এ বিভাগের সকল কার্যক্রম সুন্দরভাবে চলমান রাখার জন্য সভাপতি মহোদয় কর্মকর্তা-কর্মচারীর পক্ষ থেকে কৃতজ্ঞতা এবং ধন্যবাদ জানান আইন, বিচার ও সংসদ বিষয়ক মন্ত্রণালয়ের মাননীয় মন্ত্রী জনাব আনিসুল হক, এম.পি. এর প্রতি।

০২। সভাপতি মহোদয় উল্লেখ করেন যে, মাননীয় প্রধানমন্ত্রীর অনুমোদনক্রমে মন্ত্রিপরিষদ বিভাগ হতে গত ১৪ ডিসেম্বর, ২০২০ তারিখ স্বাধীনতার সুবর্ণজয়ন্তী বর্ণাঢ্য ও যথাযোগ্য মর্যাদার সাথে উদযাপনের নিমিত্ত মুক্তিযুদ্ধ বিষয়ক মন্ত্রণালয়ের মাননীয় মন্ত্রী জনাব আ. ক. ম মোজাম্মেল হক, এমপি-কে আহ্বায়ক করে ৯ সদস্য বিশিষ্ট মন্ত্রিসভা কমিটি গঠন করে প্রজ্ঞাপন জারি করা হয়। উক্ত কমিটিকে সহায়তা প্রদানের লক্ষ্যে মাননীয় প্রধানমন্ত্রীর মুখ্যসচিবসহ বিভিন্ন মন্ত্রণালয়/বিভাগের সিনিয়র সচিব, সচিব এবং উক্ত পদমর্যাদার ১৪ জন কর্মকর্তাকে দায়িত্ব প্রদান করা হয়। মন্ত্রিসভা কমিটির কার্যপরিধি নিম্নরূপ, যথা:-

“কমিটির কার্যপরিধি :

- (১) স্বাধীনতার সুবর্ণজয়ন্তী উদযাপনের কর্মসূচি প্রণয়নে মাননীয় প্রধানমন্ত্রীর দিক-নির্দেশনা গ্রহণ;
- (২) মুক্তিযুদ্ধ বিষয়ক মন্ত্রণালয় কর্তৃক প্রস্তুতকৃত জাতীয় কর্মসূচি পর্যালোচনা, সংযোজন বা বিয়োজন;
- (৩) কর্মসূচি বাস্তবায়নে মাঠ পর্যায়ে উদ্ভূত সমস্যা চিহ্নিতকরণ ও সমাধানের নির্দেশনা প্রদান;
- (৪) কর্মসূচি বাস্তবায়নের প্রয়োজনীয় অর্থ বরাদ্দের বিষয়ে সুপারিশ প্রদান; এবং
- (৫) উপর্যুক্ত বিষয়ের সঙ্গে সম্পৃক্ত অন্য যে কোনো প্রয়োজনীয় কার্যক্রম গ্রহণ।”

(অপর পৃষ্ঠায় সদয় দ্রষ্টব্য)


এতদপেক্ষিতে মুক্তিযুদ্ধ বিষয়ক মন্ত্রণালয়ের মাননীয় মন্ত্রী জনাব আ. ক. ম মোজাম্মেল হক, এমপি'র সভাপতিত্বে গত ০৩ জানুয়ারি, ২০২১ তারিখে মন্ত্রিসভা কমিটির ১ম সভা অনুষ্ঠিত হয়। উক্ত সভায় স্বাধীনতার সুবর্ণজয়ন্তী উদযাপনের লক্ষ্যে মুক্তিযুদ্ধ বিষয়ক মন্ত্রণালয়ের সচিব মহোদয় কর্তৃক প্রস্তাবিত বছরব্যাপী গৃহীতব্য ৫০ টি কর্মসূচি উপস্থাপন করা হয়, তন্মধ্যে কর্মসূচি নং ৫, ৪০, ৪১ এবং ৫০ সকল মন্ত্রণালয়/বিভাগ ও প্রতিষ্ঠান সংশ্লিষ্ট। উক্ত সভায় সর্বসম্মতিক্রমে ২৬ মার্চ, ২০২১ থেকে ১৬ ডিসেম্বর, ২০২১ পর্যন্ত সময়কালের জন্য কর্মসূচি গ্রহণ করা হয়। স্বাধীনতার সুবর্ণজয়ন্তীর উক্ত কর্মসূচি মাননীয় প্রধানমন্ত্রী সদয় অনুমোদন করেছেন। উল্লেখ্য, প্রাথমিকভাবে প্রণীত স্বাধীনতার সুবর্ণজয়ন্তীর কর্মসূচির মধ্যে মন্ত্রণালয়/বিভাগের বছরব্যাপী কর্মসূচিও অন্তর্ভুক্ত আছে। তবে, মন্ত্রণালয়/বিভাগসমূহ স্বাধীনভাবে কর্মসূচি গ্রহণ করতে পারবে। স্ব-স্ব মন্ত্রণালয়/বিভাগ কর্তৃক গৃহীত কর্মসূচি থেকে পরবর্তীতে কোন্ কোন্ কর্মসূচি জাতীয় কর্মসূচিতে অন্তর্ভুক্ত হবে তা উক্ত কমিটি কর্তৃক নির্ধারণ করা হবে। এতদপেক্ষিতে, সুবর্ণজয়ন্তীর জাতীয় কর্মসূচির সাথে সমন্বয়ের জন্য বছরব্যাপী গৃহীতব্য কর্মসূচির তথ্যাদি মন্ত্রিসভা কমিটিতে উপস্থাপনের লক্ষ্যে আগামী ২৮.০২.২০২১ খ্রি. তারিখের মধ্যে মুক্তিযুদ্ধ বিষয়ক মন্ত্রণালয়ে প্রেরণের নিমিত্ত এ বিভাগ কর্তৃক কোন্ কোন্ কর্মসূচি গ্রহণ করা যায়, সে বিষয়ে এ বিভাগের সকল কর্মকর্তা-কর্মচারীর নিকট হতে মতামত/ধারণা (Idea) আহ্বান করে বিষয়োক্ত সভা আয়োজন করা হয়েছে।

০৩। সভায় নিম্নরূপ আলোচনা ও সিদ্ধান্ত গৃহীত হয়, যথা:-

ক্রঃ নং	আলোচনা	সিদ্ধান্ত	বাস্তবায়নকারী
(০১)	লেজিসলেটিভ ও সংসদ বিষয়ক বিভাগের ওয়েবসাইটে স্বাধীনতার সুবর্ণজয়ন্তীর কর্নার স্থাপন	দ্রুত ব্যবস্থা গ্রহণপূর্বক লেজিসলেটিভ ও সংসদ বিষয়ক বিভাগের ওয়েবসাইটে স্বাধীনতার সুবর্ণজয়ন্তীর কর্নার স্থাপন করতে হবে।	আইসিটি সেল, লেজিসলেটিভ ও সংসদ বিষয়ক বিভাগ
(০২)	জাতীয় কমিটিতে প্রেরণের নিমিত্ত এ বিভাগের সকল কর্মকর্তা-কর্মচারী কর্তৃক স্বাধীনতার সুবর্ণজয়ন্তীর কর্মসূচি বিষয়ক ধারণা (Idea) প্রদান	আগামী ২২/০২/২০২১ খ্রি. তারিখ বিকাল ৩.০০ ঘটিকার মধ্যে ধারণা (Idea) প্রশাসন শাখা-২ এ লিখিতভাবে জমা দিতে হবে।	এ বিভাগের সকল কর্মকর্তা-কর্মচারী
(০৩)	ধারণা (Idea) সংগ্রহ ও বাছাই	আগামী ২৪-২৫ তারিখের মধ্যে ক্রমিক নম্বর ০২ এ বর্ণিত প্রাপ্ত ধারণাসমূহ বাছাই করে মাননীয় মন্ত্রীর অনুমোদন গ্রহণপূর্বক বাছাইকৃত ধারণাসমূহ জাতীয় কমিটির নিকট উপস্থাপনের নিমিত্ত প্রেরণ।	প্রশাসন শাখা-২

(০৪)	বহরব্যাপী কর্মসূচি প্রণয়ন	বাছাইকৃত ধারণাসমূহ (Ideas) হতে ২৬ মার্চ, ২০২১ থেকে ১৬ ডিসেম্বর, ২০২১ পর্যন্ত সময়কালের কর্মসূচি প্রণয়ন ও বাস্তবায়ন	প্রশাসন শাখা-১, ২ এবং এ বিভাগের অন্যান্য দপ্তর ও শাখাসমূহ
------	----------------------------	----------------------------------------------------------------------------------------------------------------------	-----------------------------------------------------------

০৪। সভায় অন্য কোনো আলোচ্যসূচি না থাকায় সভাপতি মহোদয় উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।


 (মোঃ মইনুল কবির)
 সভাপতি
 ও
 সচিব

লেজিসলেটিভ ও সংসদ বিষয়ক বিভাগ
 আইন, বিচার ও সংসদ বিষয়ক মন্ত্রণালয়
 বাংলাদেশ সচিবালয়, ঢাকা।